

Mohd Amirul Kasyful Nur bin Zulkifli

From: Pusat Asasi Pengurusan
Sent: 09 Mei 2016 9:28
To: UUM - All Staff
Cc: Prof. Dr. Abd Razak B Yaakub; Prof. Madya Dr. Munif Zarirruddin Fikri b. Nordin;
Prof. Madya Md Zahir B Mat Cha; Faizah Bt Hashim
Subject: KARNIVAL SUKAN DAN "FAMILY DAY" ASASI PENGURUSAN SEMAI SEMANGAT
MUFAKAT



Pusat Asasi Pengurusan
CENTRE FOR FOUNDATION STUDIES IN MANAGEMENT
Universiti Utara Malaysia

09 MEI 2016 / 02 Syaaban 1437H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita Oleh : Adzrul Nizam Abdul Halim

Gambar Oleh : Abdul Rahman Munawar

**KARNIVAL SUKAN DAN "FAMILY DAY" ASASI PENGURUSAN SEMAI
SEMANGAT MUFAKAT**



PAP ONLINE: Pada 16 April 2016 lalu, Exco Sukan dan Rekreasi, Persatuan Pelajar Asasi Pengurusan yang diketuai oleh Saudara Adzrul Nizam Bin Abdul Halim, Pengarah Program telah mengadakan 'Karnival Sukan dan "Family Day" #INEFFABLE' di Padang Pusat Sukan UUM. Program tersebut dihadiri oleh semua pelajar Asasi Pengurusan dan staf Pusat Asasi Pengurusan.

Objektif aktiviti ini diadakan adalah untuk mengeratkan hubungan silaturrahim di antara semua pelajar dan kakitangan Pusat Asasi Pengurusan. Selain itu, Karnival Sukan " Family Day "ini memberi peluang kepada pelajar untuk mengenali antara satu sama lain dengan lebih erat serta memupuk semangat kerjasama yg tinggi dalam diri peserta di samping bersukan dan beriadah. Seawal jam 7.00 pagi para pelajar telah bertolak dengan berjalan kaki dari DPP TNB mengikut kumpulan ke Pusat Sukan dengan mengibarkan bendera kumpulan masing-masing. Ucapan perasmian telah disempurnakan oleh Prof. Madya Dr. Munif Zariruddin Fikri Nordin mewakili Pengarah, Pusat Asasi Pengurusan. Seterusnya, aktiviti senamrobik yang di ketuai oleh Vellashine A/L Gunaisagaran yang diadakan dalam keadaan santai telah menghilangkan keletihan berjalan kaki daripada DPP TNB.

Aktiviti dimulakan dengan acara sukaneka di mana sukaneka ini mengandungi lapan peringkat acara yang berbeza. Lapan peringkat acara tersebut adalah pada peringkat pertama, peserta perlu berlari dalam jarak 50 meter dan diikuti dengan peringkat kedua

peserta menarik bola dalam gelung sejauh 50 meter. Seterusnya peserta di peringkat ketiga dikehendaki berlari sejauh 50 meter dengan menggunakan kain pelek dan diikuti dengan acara bawa bola ping pong dalam sudu juga pada jarak 50 meter sebelum pergi ke peringkat acara yg kelima di mana peserta perlu makan epal tanpa menggunakan tangan dan dikehendaki memberi baton kepada peserta di peringkat acara yang ke enam. Peringkat acara yang keenam memerlukan dua peserta di mana dua peserta ini dikehendaki membawa bola baling tanpa menggunakan tangan secara berpasangan. Seterusnya, di peringkat acara yang ketujuh peserta perlu mengeluarkan 10 biji gula-gula dalam tepung dengan menggunakan mulut dan acara terakhir peserta yg ke lapan dikehendaki lari pecut 50 meter bagi menamatkan keseluruhan acara tersebut.

Acara sukaneka tersebut tamat pada jam 9.30 pagi. Aktiviti diteruskan lagi dengan acara tarik tali. Semangat bersungguh-sungguh dan bekerjasama yang begitu kuat ditunjukkan oleh setiap peserta dalam setiap kumpulan untuk mengumpul markah bagi memenangi acara tersebut. Seterusnya, aktiviti diteruskan dengan acara melontar dan menyambut belon. Acara ini memerlukan para peserta melontar dan menyambut belon kepada pasangan masing-masing dengan syarat belon tersebut tidak boleh jatuh atau pecah pada keadaan jarak yg semakin jauh di antara pasangan. Selepas itu, acara terakhir bagi karnival ini adalah acara lari pecut 8x100 meter. Acara ini memerlukan lapan orang wakil dari setiap kumpulan iaitu empat lelaki dan empat perempuan. Larian dilakukan secara berselang seli di antara lelaki dengan perempuan.

Sebelum mengakhiri aktiviti, acara penyampaian hadiah kepada para pemenang disampaikan oleh Prof. Madya Dr. Munif Zariruddin Fikri Nordin. Sebelum majlis bersurai, semua pelajar bersama-sama bergotong-royang membersihkan tempat karnival sukan ini berlangsung.

Semangat berpasukan dan muafakat yang tinggi dalam kalangan pelajar adalah faktor utama yang mendorong menjayakan pelaksanaan aktiviti di atas. Program tersebut juga berjaya menonjolkan bakat-bakat sukan terutama dalam acara larian jarak jauh bagi kategori lelaki dan perempuan. Karnival Sukan dan "Family Day" Asasi Pengurusan 2016 merupakan aktiviti terakhir yang dirancang sebelum para pelajar menamatkan pengajian pada 30 April 2016

SEKIAN.

=====

DARIPADA:

PUSAT ASASI PENGURUSAN

UNIVERSITI UTARA MALAYSIA

TEL.: 04-928 3452/3456

FAKS: 04-928 3453